

§ 6. Qarzlar bo'yicha xarajatlarni kapitalizasiya qilishni tugatish

29. Xo'jalik yurituvchi sub'yekt aktivni belgilangan maqsadda ishlatishga yoki sotishga tayyorlash uchun zarur bo'lgan barcha ishlar tugatilganda qarzlar bo'yicha xarajatlarni kapitalizasiya qilishni tugatishi lozim.

30. Agar kunlik ma'muriy ishlar hali ham davom etayotgan bo'lishiga qaramay, uni jismoniy yaratish tugatilgan bo'lsa, odatda ob'yekt belgilangan maqsadda ishlatishga yoki sotishga tayyor deb hisoblanadi.

31. Agarda kvalifikasiyalanadigan aktivni qurish qismlar bo'yicha tugatilganda va har bir qismni boshqa qismlarni qurish davomida ishlatish mumkin bo'lsa, xo'jalik yurituvchi sub'yekt aktivning ushbu qismini belgilangan maqsadda ishlatishga yoki sotishga tayyorlash uchun zarur bo'lgan barcha ishlarni tugatganda, qarzlar bo'yicha xarajatlarni kapitalizasiya qilish tugatilishi shart. Masalan, har biri alohida ishlatishga yaroqli bo'lgan bir necha binolardan iborat bo'lgan biznes-markaz kvalifikasiyalanadigan aktiv hisoblanadi va undagi har bir qism boshqa qismlarni qurish hali davom etayotgan paytda ishlatilishi mumkin bo'lsa. Tashkiliy qismlaridan har qaysisi alohida ishlatilishi mumkin bo'lishidan oldin to'liq tugatilishi lozim bo'lgan kvalifikasiyalanadigan aktivga bir maydonda joylashgan, korxonaning turli syexlarida ketma-ketlik bilan amalga oshiriladigan bir necha ishlab chiqarish jarayonlarini birlashtiradigan sanoat korxonasi misol bo'lishi mumkin.